

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NASIONALE SENIOR SERTIFIKAAT

GRAAD 12

RELIGIESTUDIES V2

NOVEMBER 2014

MEMORANDUM

PUNTE: 150

Hierdie memorandum bestaan uit 14 bladsye.

VRAAG 1**1.1 1.1.1 VOORBEELD:1 Christendom**

- God is een, maar bestaan uit drie persoonlikhede/persone.
- Hulle is God die Vader, God die Seun en God die Heilige Gees.
- Hy het die heelal/aarde geskep om deur die mens gebruik te word.
- Hy het alles, sigbaar en onsigbaar, geskep.
- Die mens het toegang tot God deur Jesus Christus.
- Hy is heeltid betrokke by die wêreld; Sy kreatiewe energie is heeltid in die wêreld aan die werk.

VOORBEELD 2: Hindoeïsme

- Anders as die gewilde wanindruk dat Hindoes baie gode het, is 'n geloof in een God die sentrale lering van die Hindoe-wêreldbeskouing.
- Die hoogste konsep van God in Hindoeïsme is Brahman die Opperwese, wat oral is en die bron van ons bestaan is.
- God kan ook in gegradeerde stadiums ervaar word volgens die spirituele ontwikkeling van die volgeling.
- Die eerste vlak van ervaring van God onder Brahman is Ishwara, die vormlose God wat oral is en eienskappe soos liefde, vrede en meegevoel het. Hy is vormloos.
- God word ook uitgebeeld as die Ewige Vrou, Moedergodin wat al die gebede van haar volgelinge verhoor.
- God daal na die aarde neer om menslike sake (avatara) reg te stel wat chaoties geraak het as gevolg van die mens se gebrek aan morele waardes en liefde.
- Heilige inkarnasies kom om 'n heilige doel deur hul groot spirituele invloed, lering en persoonlike gedrag te vervul en sodoende slegte gewoontes om te keer en goeie gewoontes, liefde, meegevoel en veral die verering van God aan te moedig.
- In Hindoeïsme is Rama en Krishna gewilde heilige inkarnasies. (10)
L.W. Enige ander relevante feit word aanvaar

1.1.2 VOORBEELD 1: Christendom

- Beloning en straf is regverdig.
- Beloning motiveer gelowiges om hul lewe op te lê vir groter beloning.
- Beloning het mense beïnvloed om vir hul geloof te sterf.
- Straf moedig gelowiges aan om volgens hul godsdienstige leringe te leef.
- Straf is een van die motiverende faktore waarom godsdienstige leringe gevolg moet word.
- Ons almal word in hierdie wêreld beloon deur goed te doen en het nie ekstra beloning nodig nie.

VOORBEELD 2: Hindoeïsme

- Daar is geen konsep van sonde of die bose in Hindoeïsme nie.
- Hindoeïsme leer dat mense net sonde pleeg omdat hulle nie die ware aard van Brahman se siel ken nie.
- Mense beheer hul lot omdat alles in die heelal aan die wet van karma verbind is.
- Hoe 'n persoon kies om sy/haar lewe te lei, sal hom/haar in die volgende lewe beïnvloed.
- Die meeste Hindoes sal probeer om 'n lewe sonder sonde te leef sodat hulle met 'n beter lewe, en uiteindelik moksha, beloon sal word.
- **LET WEL:** *Enige redelike faktor is aanvaarbaar.*

(10)

1.1.3 VOORBEELD:1 Christendom

- Volgens die Christendom hou die lewe nie by die dood op nie, maar duur dit na die graf voort.
- Die wat doodgaan, begin met 'n nuwe fase wat die paradys/hemel
- genoem word en wat duur van die oomblik wat hulle doodgaan tot die dag van die Wederkoms.
- Sondaars gaan na Hades/hel, waar hulle gestraf word.
- Daar word geglo dat die gewone wêreld op die Laaste Dag nie meer sal bestaan nie en dat alles dan onder God se beheer sal wees.
- Op hierdie dag sal die finale oordeel plaasvind en almal sal óf beloon óf gestraf word.
- Slegs diegene wat volgens die wil van God geleef het, sal toegelaat word 'n ewige lewe te geniet.
- Die dood is dus nie die einde van die lewe nie, maar 'n fase in die reis van die mensdom.
- Die opstanding impliseer dat die lewe 'n doel het, dat goed en sleg beloon sal word en dat daar 'n hoër lewe ná hierdie wêreld is.

VOORBEELD 2 Hindoeïsme

- Volgens die Vedas het elkeen 'n siel of 'self' wat in die liggaam woon.
- Daar is 'n siklus van geboorte en hergeboorte.
- Dit word reïnkarnasie genoem, waarvolgens 'n siel evolueer.
- Die doel van elke Hindoe is om die 'self' uit hierdie siklus te bevry, sodat dit een kan word met Brahma.
- Hierdie stadium word moksha genoem.

(10)

1.2 VOORBEELD:1 Afrika Tradisionele Godsdienst
Eerste Riglyn

- 'n Persoon is 'n persoon deur ander mense.
- Umuntu ngumuntu ngabantu (Nguni-tale)
- In die lewe het mens ander mense nodig om te kan oorleef.
- Ilima is 'n voorbeeld van ubuntu.
- 'n Gemeenskaplike lewe word aangemoedig.
- Respek vir die mensdom word beklemtoon.

Tweede Riglyn

- Verering van die voorvaders
- Soek leiding by die voorvaders deur die 'siener'
- Kommunikeer met die skepper deur die voorvaders
- Hou seremonies te ere van die voorvaders
- Brand wierook om met die voorvaders te kommunikeer
- Offer diere aan die voorvaders

VOORBEELD:2 Christendom

Eerste Riglyn

- Geseënd is dié wat arm van gees is, want aan hulle behoort die koninkryk van die hemel (Matteus 5:3).
- Die konsep 'arm' in hierdie lering verwys nie na materiële behoeftes nie.
- Die mense wat besef dat hulle arm in die gees is, erken dat hulle God se Woord nodig het.
- Volgens die aanhaling hierbo sal diegene wat arm in die gees is, in die hemel beloon word.
- Items soos geld, duur motors, huise en ander materiële besittings word nie in die hemel erken nie.
- Dus word mense gevra om eers die Woord van God te soek.

Tweede Riglyn

- Eer jou vader en jou moeder (Efesiërs 6:2).
- Kinders moet hul ouers respekteer.
- 'n Vader en moeder verwys na enige verantwoordelike volwassene.
- Die ouers is God se verteenwoordigers op aarde.
- Dit impliseer dat, deur jou ouers te eer, jy God self eer.
- Die tyd wat jy op aarde spandeer, sal verleng word.

(20)

LET WEL: Enige ander relevante, praktiese riglyne uit ander godsdienste moet aanvaar word. n Maksimum van 10 punte mag toegeken word, indien die kandidaat slegs praktiese voorbeelde lys. Die twee riglyne moet nie apart behandel word nie. Hoe dit ook sy, byde leeringe moet van dieselfde godsdiens wees.

[50]

VRAAG 2

2.1 2.1.1 VOORBEELD 1: Christendom
 Katolieke Kerk

- Politieke beheer is tradisioneel en word in Rome gesien.
- Die hoof van die Katolieke Kerk is die Pous.
- Die eerste Pous was St. Petrus.
- Die Katolieke Kerk het baie ordes met monnike, priesters en nonne.
- Alle Katolieke word deur die Vatikaan bestuur.
- Die gemeente is 'n gebied of distrik met 'n kerk en priester.

Oosterse Ortodokse Kerk

- Politieke beheer lê tradisioneel in Konstantinopel (Istanbul).
- Hulle word in die Midde-Ooste, dele van Afrika, Griekeland en Rusland gevind.
- Die kerkstruktuur bestaan uit priesters en biskoppe.
- Daar is nie net een leier nie.
- Gesag in die kerk is in die hande van 'n groep biskoppe.
- 'n Bisdom is 'n groep gemeentes wat onder die leierskap van die biskop val.

Protestantisme

- Hierdie beweging is in 1517 deur 'n Duitse monnik, Martin Luther, begin.
- Die plaaslike kerke word deur verkose leraars en biskoppe of verkose ouderlinge bestuur.
- Daar is geen eenvormigheid in die bestuur van die Protestantse kerke.
- Die oorhoofse bestuur word behartig deur 'n hoër gesag soos 'n sinode of Algemene Vergadering, en 'n voorsittende biskop is die voorsitter.
- In die Protestante kerke is elke kerk onafhanklik.
- Die kerke is nie verantwoordelik teenoor enige hoër gesag as die gemeente nie.

VOORBEELD:2 Islam

- Sunni Islam
- Daar is nie geestelike leraars in Sunni-Islam nie.
- Enige Moslem kan op gemeenskapsrade dien.
- Die bestuur is gemeenskapsgebaseerd.
- Die geleerdes van Islam en gemeenskapslede diens op die beheerrade van moskees, madrassas en skole.
- In bestuur word die Sunnah van die Profeet nagevolg.
- Shi'a Islam
- Die Shi'a-Moslems vereer die nakomelinge van die Profeet Mohammed.
- Hulle glo dat die nakomelinge 'n goddelike reg het om die Moslems te lei.
- Hulle gebruik die titel Imam vir sekere oudleiers wat hulle glo deur God gekies is.
- Bestuur is in die hande van mullahs.
- Die mullahs het ook beduidende politieke invloed.

(20)

2.1.2 VOORBEELD 1: Christendom

- *Die Katolieke Kerk*
- Beskou haarself as die oorspronklike Kerk van Christus.
- Die Katolieke Kerk glo in die ordes van priesters, monnike en nonne wat hulle lewens heeltemal aan God wy. Hulle lê beloftes van selibaatheid af en mag nie trou nie.

- Die hoof van die Kerk is die Pous, wat in Rome woon. Hy is die opvolger van St. Petrus, wat die leier van Jesus se twaalf apostels was.
- Hierdie Kerk leer dat God uit drie aparte, maar gelyke dele bestaan, naamlik die Vader, Seun en Heilige Gees. Dit word die Drie-eenheid genoem.
- Hierdie Kerk beoefen 'n aantal rituele wat die Sakramente genoem word, soos biege, doop, aanneming, die laaste rites voor die dood van 'n persoon, salwing tot priesterskap en die sakrament van die huwelik. (Hulle beoefen sewe sakramente).
- Die kern van Christendom is gebaseer op die Heilige Nagmaal.
- *Oosterse Ortodokse Kerk*
- Hierdie Kerk word nie deur die Pous beheer nie.
- Die Drie-eenheid en die Heilige Gees word op 'n ander manier as deur die Katolieke Kerk verstaan.
- Aan die einde van die 6de eeu CE het die Westerse Romeinse kerk die filioog (van die Seun) -klousule aangeneem.
- Hierdie klousule leer dat die Heilige Gees van God kom.
- Die Oosterse Kerk het nie saamgestem dat die Seun ingesluit word nie, omdat hulle glo dat dit die Vader en Seun belangriker as die Heilige Gees maak.
- Die Oosterse Kerk het ook die idee dat die Westerse Kerk en die Pous meer mag het om Christelike leringe en tradisies by te voeg of te verander, bevraagteken.
- Die Oosterse Ortodokse Kerke het nie net een leier nie.
- Gesag in die Kerk lê by die biskoppe.
- Die geestelike leiers in die Kerk hoef nie selibaat te bly nie en mag trou.
- Die Oosterse Ortodokse Kerk beskou toewyding as 'n belangriker uitdrukking van geloof as die regte doktrine, soos die geval is in die Rooms Katolieke Kerk.

Protestantisme

- Protestantisme het by die Duitse Katolieke monnik, Martin Luther, begin.
- Aan die begin wou Martin Luther die Katolieke kerk van binne hervorm, maar in 1520 is hy uit die Katolieke kerk geskors oor sy oortuigings.
- Dit het tot die stigting van verskillende kerke, soos die Lutherse, Anglikaanse, Gereformeerde en Baptistekerk gelei.
- Anders as die Katolieke Kerk, glo die Protestante Kerke nie dat redding iets is wat deur rituele en praktyke verdien kan word nie.
- Protestante glo dat redding 'n geskenk is wat vrylik deur God deur die werke van Jesus Christus op aarde gegee is.
- Protestantisme bestaan uit verskillende Kerke.

- Hulle glo dat die leringe van die Bybel meer gesag het as die Pous of die Katolieke Kerk.
- Priesters en predikante hoef nie selibaat te bly nie en hulle mag trou.
- Elke Kerk word deur 'n pastoor of predikant gelei wat amptelik deur die denominasie aangestel is.
- Anders as die Katolieke Kerk, laat die Protestante Kerke vroue toe om priesters of predikante te wees.

VOORBEELD 2: Islam

Sunni-Islam

- Sunni's glo dat die gelowiges eerder as die afstammeling van die Profeet, hul leiers moet kies.
- Sunni verwys na die navolging van die sunnah (voorbeeld) van die Profeet Mohammed.
- Daar word geglo dat al die vriende van die Profeet gelyke respek in Islamitiese reg moet kry.

Shi'a-Islam

- Hulle glo dat die kalifaat (opvolger) 'n nakomeling van die Profeet Mohammed moet wees.
- Hulle glo dat die kaliefs goddelik aangestelde imams is.
- Hulle glo ook dat kaliefs bonatuurlike kennis en gesag het om gelowiges te lei.
- Hulle deel gemeenskaplike skuld omdat hulle Hussein nie gehelp het toe hy vermoor is nie.

(10)

LET WEL: Enige ander relevante antwoord van die kandidaat moet aanvaar word.

2.2 2.2.1

- Die gesinstruktuur word in die meeste dele van die land deur armoede gekonfronteer, wat tot selfs meer maatskaplike uitdagings lei.
- Tienerswangerskappe is een van die uitdagings van die gesinstruktuur wat uiteindelik tot die verwaarloos van kinders lei omdat die ouers nog te jonk is om na hul eie kinders om te sien.
- Die meeste Suid-Afrikaners wat vaardighede of hoë geleerdheid besit is geneig om hul loopbane bo 'n gesinslewe te stel.
- Dwelm- en alkoholmisbruik is baie algemeen in die samelewing. In baie gesinne gebeur dit dat beide die ma en die pa drink en dwelms gebruik, wat tot 'n verwaarloos van ouerlike pligte lei.
- Egskeiding het algemeen geword in ons samelewing en lei tot enkelouderskap, wat weer daartoe lei dat die kinders ly.
- HIV en Vigs en ander dodelike siektes het die gesinstruktuur afgetakel, wat tot gesinne met kinderhoofde lei.

(10)

LET WEL: Enige ander relevante antwoord van die kandidaat moet aanvaar word.

2.2.2 VOORBEELD 1: Afrika Tradisionele Godsdiens

- Die familie moet gereeld familiebyeenkomste en vergaderings reël om familietradisies en waardes te onderhou.
- 'n Tradisionele praktyk wat armes bystaan (ilima) kan gebruik word om Ubuntu te bevorder.
- Gesegdes en metafore kan as 'n alledaagse vorm van onderrig in die gemeenskap gebruik word.
- Dit gee etiese en morele riglyne vir korrekte gedrag, asook waarskuwings oor immorele gedrag.
- Rituele kan uitgevoer word om die beskerming en seën van voorvaders te vra.
- Die ouers en die breër gemeenskap moet die kinders aanmoedig om tradisionele jeugklasse by te woon.

VOORBEELD 2: Christendom

- Die gesin is deur God as die basiese eenheid van die gemeenskap geskep as die enigste plek waarin kinders grootgemaak moet word.
- Christenouers moet na hul kinders omsien en hulle as goeie Christene grootmaak; kinders moet hul ouers respekteer en na hulle omsien as hulle oud is.
- Kinders moet in die Here aan hul ouers onderdanig wees – dit is hulle plig. Die eerste Gebod wat 'n belofte bevat. Eer jou vader en jou moeder en jy sal lank bly lewe in die land wat die Here jou God vir jou gegee het.
- Ouers moet hul kinders die waardes wat deur hul godsdiens uitgeleef word, leer.
- Die ouers moet toesien dat hul kinders godsdienstige klasse bywoon en hulle ook aanmoedig om dit by te woon.
- Ouers moet nooit hulle kinders tot teësin dryf nie, maar moet hulle in hul opvoeding korrigeer en lei soos die Here dit doen.

(10)
[50]**VRAAG 3****3.1 3.1.1**

- Mondelinge tradisie dien in alle godsdienste as 'n effektiewe manier om die oorspronklike boodskap mondeling van een generasie na die volgende oor te dra.
- Sommige godsdienste lê meer klem op mondelinge tradisie as op hulle heilige tekste.
- Mondelinge tradisie speel steeds 'n belangrike rol in sommige godsdienste, byvoorbeeld Afrika Tradisionele Godsdiens.
- Mondelinge tradisie word steeds saam met geskrewe tekste gebruik.
- Mondelinge tradisie bied meer duidelikheid as geskrewe teks, danksy die narratiewe styl.
- Die ketting van vertellers is ook belangrik, omdat dit na die bron lei.

- Mondelinge tradisie weerspieël plaaslike dialekte en kultuur. Dit kan dus maklik binne elke kultuur verstaan word.
- Die nadeel van mondelinge tradisie is dat dit tot verskillende en teenstrydige weergawes kan lei.
- In baie godsdienste sluit rituele mondelinge tradisies in.
- Bv. die doop in Christendom en inlywingseremonies/verering van voorvaders in Afrika Tradisionele Godsdienste. (14)

- 3.1.2
- Skrif het ongeveer 4 000 jaar gelede op die godsdienstige toneel verskyn.
 - Soos wat die tegnologie van skrif meer gevorderd geraak het, het dit die verspreiding van godsdienstige leringe versnel.
 - Die geskrewe teks verander die tradisie sodat dit meer vas is.
 - Die geskrewe tekste word 'n vaste maat waarvolgens regte en verkeerde leringe gemeet kan word.
 - Heilige tekste is meer sentraal in boekgodsdienste, bv. Abrahamitiese godsdienste.
 - Heilige tekste is gewoonlik deel van groter versamelings.
 - Die aanvaarde versameling heilige boeke word 'kanon' genoem en het meer gesag as godsdienstige leiers.
 - Heilige tekste kan ook verskeie kommentare hê.
 - Hierdie verduidelikings is onderhewig aan spesifieke reëls van interpretasie (hermeneutiese beginsels). (14)
 - *L.W. n Maksimum van 4 punte maag toegeken word vir die noem van 4 voorbeelde. 'n maksimum van 4 punte word toegeken vir die evaluateering van die vraag .As geen evaluateering toegepas word nie, sal slegs 'n maksimum van 10 punte toegeken word.*

- 3.1.3
- Inspirasie is 'n belangrike normatiewe bron in baie godsdienste.
 - Dit is die ware oorsprong van alle godsdienste.
 - Inspirasie verwys na die mag of krag van 'n buitengewone wese wat 'n gekose wese 'oorneem'.
 - Die stigtersfigure van baie godsdienste is deur 'n hoër mag of wysheid geïnspireer.
 - Sulke persone beweer dat hulle 'n openbaring van 'n buitengewone wese ontvang het.
 - Voorbeelde is Moses, Jesus Christus, Abraham, die Profeet Mohammed, Boeddha en Baha'u'llah.
 - In ATG ontvang mediums inspirasie terwyl hulle in 'n beswying is.
 - Hierdie inspirasie is voortdurend, terwyl dié van die Abrahamitiese gelowe nie verder as hul stigters strek nie.
 - Inspirasie is 'n kragtige motivering vir die volgers van 'n godsdienste. (12)

- 3.2
- Grammatika en historiese konteks. Dit beteken dat mens die reëls van grammatika en die historiese feite gebruik om heilige tekste te interpreteer.
 - Die duidelikste betekenis word gebruik, mens moet die letterlike betekenis van die teks gebruik.

- Plan, doel en konteks. 'n Geskrewe stuk moet as 'n geheel beskou word. Wat is die skryfplan of struktuur? Wat was die outeur se doel met die skryf van die teks? Wat is die konteks van die gedeelte waarna gekyk word?
- Die betekenis van woorde: Die betekenis van woorde verander oor tyd en op verskillende plekke. Vind die oorspronklike betekenis soos dit in die normatiewe bron gebruik is.
- Figuurlike betekenis: Figuurlike en nie-letterlike betekenis moet in ag geneem word.
- Ander heilige tekste: Heilige tekste kan self gebruik word om ander heilige tekste te interpreteer.

(Enige 5 x 2)

(10)
[50]**VRAAG 4**

4.1

- Die wetenskaplike teorie van die skepping van die heelal word die 'Oerknalteorie' genoem.
- Dit verduidelik hoe die heelal tot stand gekom het.
- Evolusieleer verduidelik die ontwikkeling van lewe van die eenvoudigste vorm tot die mees volledige vorm vandag.
- hierdie ontwikkeling sluit die evolusie van mense deur primitiewe stadiums tot die moderne mens in.
- Daar word geglo dat evolusie vandag steeds voortduur.
- Evolusieleer van die heelal word kosmologie genoem.
- Dit is nie bekend wat voor die Oerknal bestaan het nie.
- Daar was 'n groot ontploffing in die ruimte en binne sekondes het die heelal verskyn en tot 'n enorme grootte uitgebrei.
- Dit het ongeveer vyftien biljoen jaar gelede gebeur.
- Klein temperatuurverskille in die oorspronklike ontploffing het tot verskillende digthede in die heelal gelei.
- Dit het uiteindelik klusters van materie en energie gevorm.
- Groot spasies het hierdie klusters geskei.
- Dit het groot versamelings sterre gevorm wat ons sterrestelsels noem.
- Sommige sterrestelsels het gekondenseer tot 'n kombinasie van sterre en planete wat sonnestelsels genoem word.
- Ons aarde is in een van die sonnestelsels.
- Dit is waar die evolusie van lewe plaasvind.
- Die teorie sluit die bestaan van 'n goddelike wese uit.
- Dit gee slegs 'n wetenskaplike verduideliking van die struktuur en komposisie van die heelal.
- *L.W. 'n Maksimum van 6 punte mag toegeken word vir Darwin se teorie.*

(20)

4.2

VOORBEELD 1: Taoïsme

- Volgens die Taoïste bestaan alles in die skepping uit twee tipes kragte. Die Yang is aktief, lig, kragtig en manlik en die Yin is passief, donker, onderdanig en vroulik.
- Al die wêreld se prosesse bestaan uit 'n kombinasie van die twee kragte (Yang en Yin)
- Nag en dag, somer en winter, geluk en hartseer, geboorte en dood, die heelal beweeg eindeloos tussen teenoorgesteldes soos hierdie.

- Vir die Taoïste is dit wat jy sien as jy terugstaan en na die kreatiewe proses kyk, 'n eindelose wisseling tussen die pole – die groei en kwyning van dinge.
- Die Yang en Yin is teenwoordig. Sodra een teenwoordig is, is die teenoorgestelde ook teenwoordig.
- Een en nie een nie is twee. Die Een kom uit die Twee, wat pad beteken.
- Tweede staan nie vir 'skepper' in die Westerse of selfs Hindoeïsin van die woord nie. Dit staan eenvoudig vir die patroon van die heelal.
- Dat is niks in die begin en aan die einde nie, anders as die Hindoe- of die Abrahamitiese godsdienstige weergawes.
- Die Taoïstiese weergawe verduidelik slegs hoe dinge gemaak word en spekulêr nie oor wanneer dit begin het, of daar 'n tyd voor dit was, of wanneer dit sal eindig nie.
- Alles kom uit niks.

VOORBEELD 2: Afrika Tradisionele Godsdiens

- In ATG is daar 'n geloof in 'n Opperwese. Hy speel nie 'n belangrike rol in godsdienstige oortuigings en praktyke nie.
- Afrika Tradisionele Godsdiens sien die heilige as ver verwyder bo menslike begrip.
- Die skepping van die mens het baie mites in Afrika Tradisionele Godsdiens.
- Dit word as simbolies beskou.
- Alhoewel wetenskaplikes wonderlike ontdekkings oor die natuur en die heelal maak, lyk die wêreld te kompleks om die bestaan van 'n intelligente ontwerper te ontken.
- ATG-kenners wat die teorie van intelligente ontwerp ondersteun, verwerp nie evolusieleer nie, maar sê dat dit nie die enigste verduideliking van die skepping kan wees nie.
- Alles wat bestaan word as 'n lewende geheel beskou wat in 'n verskeidenheid fases of gedaantes bestaan.
- Die mensdom is een van hierdie gedaantes.
- Mense het verskyn as gevolg van 'n gedurige uitruil van kragte.
- Tradisionele Zoeloes glo wat mense uit die water/die see verskyn het.
- Die 'rietdans' vier die hernuwing van lewe en die ontstaan van die mens, soos wat riete uit die water gebruik word om hutte te bou.

VOORBEELD 3: Judaïsme

- Kreasionisme word in die Boek van Genesis verduidelik.
- Daar word geglo dat die skrifte van Judaïsme deur God geïnspireer is.
- Daar is een alomteenwoordige, alwetende, perfekte skepper.
- Hy het mense as die kroon van die skepping geskep.
- Die skepping het ses dae geduur: dit het begin by die skeiding van lig en donker.
- Die heelal is uit niks uit geskep.
- God het Adam en Eva geskep, wat die eerste mense was.
- Hulle is uit klei gemaak.
- Sommige moderne Jode aanvaar evolusieleer.
- Hulle beweer dat evolusie deel van God se plan is.

- *L.W. Enige ander relevante verduideliking met gekrediteer word. 'n Maksimum van 10 punte word toegeken vir elke godsdiens.* (20)

4.3

- Hindoeïsme maak nie beswaar teen evolusie nie, omdat die heelal op evolusie gebaseer is.
 - Hulle het 'n meer gevorderde teorie van evolusie as die wetenskaplike weergawe, omdat die wetenskaplike teorie net op die fisiese gebaseer is.
 - Hindoeïsme bied 'n meer omvattende standpunt, omdat dit die spirituele aspek insluit.
 - Wetenskaplikes beskou evolusie as 'n persoon as iets wat per toeval gebeur het.
 - Hindoes glo dat jy beheer oor beide jou spirituele en fisiese evolusie het. (10)
 - 'n Goeie lewe lei tot die geleidelike evolusie na gevorderde vorms.
 - Uiteindelik sal jy uit die fisiese verlos word en een word met god.
- L.W. Enige ander relevante feite moet gekrediteer word.*

[50]

VRAAG 5

5.1

- 'Sekulêr' beteken 'nie-godsdienstig'
- Humanisme is 'n groep filosofieë wat glo dat mense eties en moreel onafhanklik van 'n bonatuurlike wese kan ontwikkel.
- Sekulêre humanisme is 'n vertakking van humanisme wat godsdienstige geloof verwerp.
- Dit verwerp ook die bestaan van 'n bonatuurlike wese.
- Dit word dikwels met wetenskaplikes en akademici verbind.
- Sekulêre humanisme lei gewoonlik tot ateïsme.
- Sekulêre humanisme het ontstaan as 'n liberale siening van menseregte.
- Dit is nie teen godsdiens gekant nie, maar beklemtoon dat mense se emosionele en spirituele behoeftes sonder godsdiens vervul kan word.
- Voorbeelde van sekulêre humanisme is ateïsme, kommunisme, agnostisisme en materialisme. (10)

LET WEL: *Enige ander relevante feite moet aanvaar word. 'n MAKSIMUM van TWEE punte kan toegeken word vir die opnoem van voorbeelde van sekulêre humanisme.*

5.2

- In die 16de eeu het Martin Luther sekere veranderinge begin wat tot die versplintering van die Christendom gelei het.
- Dit het tot dekades se godsdienstige oorloë in Europa gelei.
- Verskeie Christelike groepe het vir dominansie geveg.
- Die Kerk wat beide polities en sosiaal baie invloedryk in daardie tyd.
- Die meeste lande was nie demokraties nie, omdat hulle deur keisers, konings, koninginne of adellikes regeer is.
- Hierdie heersers het die Kerk gebruik om hul mag te vestig.
- In ruil hiervoor het godsdienstige leiers ook heersers beïnvloed om hul interpretasie van oortuigings te bevorder.
- Al die partye het gedink dat 'n samelewing vreedsaam sou wees as almal dieselfde oortuigings deel.

- Protestante hervormers het nie godsdienstige diversiteit geduld nie.
- Katolieke en Protestante het gebots in terme van hul Christenskap.
- Mense het begin soek na 'n staat waar daar godsdienstige verdraagsaamheid sou wees. Die intellektuele het tot die gevolgtrekking gekom dat godsdiens verdelend is, eerder as om eenheid aan te moedig.
- 'n Regering wat op slegs redenasie en op 'n begrip van die menslike aard gebaseer is, was dus die antwoord.
- Die Prins van Oranje was een van die eerste persoon om ide skeiding tussen kerk en staat aan te beveel.
- Regering en moraliteit is so van godsdiens geskei, en sekulêre humanisme het ontstaan.

(20)

5.3 VOORBEELD 1: Agnostisisme

- Hierdie term is die eerste keer deur die filosoof TH Huxley gebruik in 1869.
- Darwin se evolusieleer het die idee van 'n verhewe skepper uitgedaag.
- Agnostici glo dat dit nie moontlik is om te bewys dat 'n God/bonatuurlike wese bestaan of nie.
- Agnostisisme is geneem uit die Griekse 'a' wat sonder beteken, en 'gnosis' wat kennis beteken.
- Dit verwys na 'n onsekerheid oor Goddelike kennis.
- Agnostici is skepties oor godsdienstige leringe.
- Hulle verwerp godsdienstige doktrine – veral godsdienste wat beweer dat hulle spirituele kennis het. (Enige 4)
-

VOORBEELD 2: Ateïsme

- Ateïste verwerp die geloof dat goddelike of bonatuurlike magte bestaan.
- Daar is verskillende grade van ateïsme.
- Sagte (of neutrale) ateïste verwerp nie aktief die bestaan van 'n bonatuurlike wese nie.
- Sterk (of positiewe) ateïste glo dat daar bewyse is om hul ateïstiese sienings te ondersteun.
- In sommige gevalle verwerp sagte ateïste beide teïsme en sterk ateïsme.
- Dit is omdat hulle beweer dat beide wêreldbeskouings afhanklik is van bewyse om hul bewerings te ondersteun.
- Ateïste wend hulle dikwels tot wetenskap om die aard van die heelal te verduidelik, eerder as om op geloof staat te maak. (Enige 4)

VOORBEELD 3: Materialisme

- Dit is 'n wêreldbeskouing wat glo dat fisiese materie die enigste realiteit is.
- Dit ontken die bestaan van 'n spirituele of bonatuurlike bestaan.
- Materialisme is 'n suiwer sekulêre wêreldbeskouing en kan nie met godsdiens versoen word nie.
- Materialisme het in Asië en Europa ontstaan (800–200 BCE).

- In die 19de eeu het Karl Marx, 'n Duitse filosoof, uitgebrei op die konsep van materialisme om menslike geskiedenis en ekonomiese aktiviteit te beskryf. (Enige 4)

L.W. Enige ander feite moet gekrediteer word

(20)

TOTAAL: 150